



## 邱敏媛 女士

客家語 / 現代詩類 / 社會組

得獎作品 /

行轉硫磺窟

### 【得獎感言】

有心就有福有願就有力

得著教育部文學獎分僱當大个鼓勵摺肯定，僱會在客家文學創作繼續努力。

行轉硫磺窟乜行轉僱个童年，喜歡赤腳行在吾家鄉个地泥，目眨眨仔聽水流聲，鼻等泥肉香、花香，風輕輕仔在耳公脣咬過，感受家鄉个燒暖、親切。

用母語寫作，寫心情、寫思念、寫回憶……，看著客家語詞个靚。

感謝教育部舉辦這隻文學獎，保存本土語言摺文化傳承，乜感謝評審先生辛苦評選。

## 行轉硫磺窟

日出 金光晟照龍船山  
後龍溪幹過轉溝水  
鮮鮮河壩水 流過吾青春  
在山腳下 滉滉激激  
激出 一窟一窟 火油  
天然氣 摻侬童年个腳跡  
硫磺窟 大聲響氣

河壩脣 芒花珍等風搖  
侬珍水聲 行過出磺坑線橋  
臥頭 看著牛門口山壩  
石壁嶝直 長隆彎幹  
山脈層層疊疊  
恁靚个風景裡背 親像還有侬  
幹頭 看轉觀音石  
掌等後龍溪水長流  
蹶上硫磺窟 恬靜个山城  
風吹日炙 行過个歲月  
輕輕仔 掌摸佢个老身胚  
摸等侬識曾留下个故事  
恁燒暖 恁熟事

老油井 合等風聲 和等樹影  
定定仔唱出 滄桑个老山歌  
峇崎項 生箇个流籠軌道  
載過油井探勘開採艱辛 留下  
頭擺生活辛苦痕跡  
日式老宿舍 四圍 滿哪仔都有  
僱心肚个Sakura 戀愛个心情  
瓦屋頂 泥稗壁 屋簷下  
園等屋下人个笑聲膠話語  
跔等石礮崎行往上  
還細時个腳跡印  
一步一步 緊行緊兼

落夜後个龍船山  
井架燈火 屋簷燈光  
一層一層 一列一列  
照映溪水 光華華仔  
像一條大船  
在後龍溪航行  
載等硫磺窟油井个傳奇  
乜載等僱 定定仔  
定定仔行過自家